

andre, ka zamrwznikeravla.

Hay, khodisayle panch zhene, zhana. Gelw ko thagar.

– Thagara, alyam kava chhavo tool tuke zhamutro!

– Ey! Mishto, be! Ama, ka dav tumen ekh basi. Ako lachhes kerena les, nool mo zhamutro. Shunen akana. Kaka thanes isi chwshma. Ka zhal mi rakli othe. Kon avela naangle, i basi pechelinela.

Inklyola o chhavo. Tsidindyas i rakli, geli ki cheshma. Thay okova, o baro krachkengoro – tap, ekh krachka. I gelo pash ki rakli. Mi, oy geli i rakli ki cheshma. O raklo gelo anglal late. Hay, geli i rakli, pherdyas pani. Tsidindyas, avela peske. I nali akana i rakli ka pechelinel i basi, beshti te pochinel peske i rakli. Khardyas o rakles te pioshtinel les ko shoro. Li okova zasuto, kay poshtinela les. I rakli ushtini i avela. Ha, ama okova kate chalavela i phuv, shunela.

– A be, chhavale!

Chalavel ekh domukh, shunela. Ov sovela.

– Ov sovela, ba!

– Hayde, be?

– Sovela.

Okova zhangaylo. Dikhel i rakli nanaytay. Tap, ekh krachka – ko dvoros i ake i rakli avela.

– I sar be, thagara, pechalindyam o basi?

– E! Mishto be! Azhai ekh basi isi!

– E! Soo basi isi? Savo si o vtoro basi?

– Mo vtoro basi si te thoav ekh dumukh, te pashlyoav i te shunav ki tsyala Bwlgaria, so achhela. Te phenas Sofiate horatinena, thoava mi domukh i phukaava leske.

Akava mal thovela pi domukh i phukavela leske, so hotatinena. Pechalinena pala i basi.

– Azhay ekh basi isi ma!

– Mi, soo basi?

– Ami, moro basi si o treto basi. Ka pheren duy katsws pani, te izpien len.

Bangilo o treto amal. Sukh – izpilyas les.

– Bre-e-e! Spechelindyan o basi!

– Ami o chetwvrto basi?

– Shun! – phenla – Ka tharav ekh furna yag. Ka pekav la andivin zho ko pladne. Te nakhena andre, pechelinena o basi. Achhyolka mo zhamutro.

Lilyas o thagar, thardyas ekh bari yag ko furna. Loli, yag bari andre.